

ХАЛЬМГ БИЧӐЧ—ДЕПУТАТИН КАНДИДАТ

Сарпинск района Садовое селӓнд района культурин Герт 300 гар кӑдлмшчир, церглӓчир, колхозникуд, механизатор-муд хурдж, Келн-ӓмтнӓ Советд сунъгългъна сунъгъврин 598-ч Сарпинск округар СССР-н Деед Советин депутатин кандидат Инджин Лиджлӓ харгъв.

Хург секгдв. Турун болдж, итклтӓ кун Хахлынова Клавдия Федоровна уг авб. Эн иигдж келв: хальмг бичӓч Инджин Лидж 1912 джил Багъ-Дӑрвдӓ нутгт, угатя кунӓ ӑрк-булд тӑрсми.

Инджин Лидж эврӓннӓ куч-кӑлснӓ уулдврӓн комсомолин райкомд кӑдлснӓс авн эклӓд, ода хальмгин нег билгтӓ бичӓч, медрлтӓ чадмгъа гардач курч ӑсв. Мана туургсн Коммунистическ партин членд эн 1938 джилӓс нааран бӓӓдж, партийн кунӓ нериг ӑбдӓн бӓрдж, орн-нутгин джиргълд шунмгъа кевӓр орлцна.

Тӑрскӓн харслгъна дӓӓнӓ джилмудт Инджин Лидж гартан буугъан авч, немш фашистрин ӑмнӓс зӑрмг кевӓр ноолсн болдг. Дӓӓнд зӑрмг кевӓр церглсндӓн эн хойр медаляр ачлгдв.

Инджин Лидж хӑрн джилин эргцд СССР-н Бичӓчнрин Союзин член. Эврӓннӓ бичсн шулгудтӓн, келврмудтӓн болн пьеслӓн эн кезӓнӓк цагин дуту-дундиг, туру-зудуг, эн цагин байрта джиргълг узулнӓ. Ода Инджин Лидж Бичӓчнрин Союзин Хальмг отделенӓ сеглӓтр, Хальмг тангъчин дектр гаргъачин директор болдж кӑдлджӓнӓ.

1957 джил Инджин Лидж куч-кӑлсчнрин депутатнрин Хальмг тангъчин Советин депутатд сунъгъгдсми. Уур-муд! Мартин 16-д, нег кун

метӓр, цугъар дуугъан хальмгин урн Инджин Лиджд ӑгий!—гидж дууддж ур Хахлынова угӓн тӑгскв.

Трибунур детсадин заведующ ур Медко Л. Ф. гарч ирв.

—Би мартин 16 ӑдр—цань уга гидг байртагъар, хальмг бичӓч Инджин Лиджин тӑлӓ дуугъан ӑгнӓв. Государственн йосна ах органд эн олн-ӓмтнӓ даалгъвр кучӓх итклтӓ урн,—гидж эн келв.

„Гигант“ колхозин ахлачин дарук ур Скворцов С. Ф. уг авб.

—Суулин сунъгългън болс-нас нааран 4 джил болв. Эн цагин эргцд мана колхоз партин болн правительствин ӑдр болгъни килмджд ик диилвр-муд бӓрдж, орунь 7 сай арслнӓ немгддж ӑсв. Ӑдгӓ цагт, сар болгън колхозникудт куч-кӑлснӓ ӑдрт 6 арслнӓ мӑнӓг ӑгнӓвдн. СССР-н Деед Советд сунъгългъна ӑдриг билн улм сӓн диилвртӓгъӓр тосдж, малан увлӓс гару угагъар авч гархар шунджанавдн. Мана колхозникудин темдглсн, СССР-н Деед Советин депутатин кандидат Инджин Лиджд цугъарн, нег кун мет, дуугъан ӑгцхӓй—гидж дууджанав.

Депутатин кандидат Инджин Лидж босад, цуг сунъгъачнрт зуркни халун ханлт ӑргӓд, бийдӓн даалгъджах сунъгъачнрин даалгъвриг унн седклӓрн, чидл-медрлӓн хар-миллго, кучӓхв гидж келв.

Иим хургуд Тундутово селӓнӓ „Путь к коммунизму“ колхозд, Багъ-Дӑрвдӓ МТС-д бас кегдв.